



**ATASSUT**

**UPA14/18-1**

**Knud Kristiansen**

**08.04.2014**

**Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutigaa nunani avannarlerni killerni innuttaasut akornanni arnat ikiliartornerannik ajornartorsiut pillugu nassuiaasioqqullugit. Sammisaaq tamanna pillugu ilisimatuutut allaatigisani, ilisimatusarnermi isumaliutissiissutini misissuinerilu inerniliinerit nassuiaammi eqiterneqassapput aammalu arnat Nunani Avannarli Killerni pitsaanerusumik atugaqalernissaannut peqataaqataasinnaasunut suliniutinut siunnersuutiniq imaqassalluni.**

(Aallartitat siulittaasuut/Delegationsformand Lars-Emil Johansen)

Aallartitat siulittaasuata saqqummiussaanut qujavugut.

ATASSUT-miit nunatsinni, pingaartumik sumiiffinni nunaqarfinnilu mikinerusuni ajornartorsiut ukiorpaalunni annertusiartortoq eqqumaffigivarput. Aammalu sionatigulli tamanna pillugu oqariartuutigisarpaput, pilersaarusiornerni, minnerunngitsumik ilinniarfiit, suliffissallu eqqarsaatigalugit ataqatigiissarinikkut innuttaasut periarfissarsiorlutik nuttarnerat aamma aaqqissuussaannerusumik pisinnaammat, illua-tungaaticullu ajornartorsiutit unatut ittut annikillisarneqarsinnaallutik.

ATASSUT-miit nunat avannarlerni pissutsinut atukkatsinnut eqqaanartunik atukkat pissutsillu pillugit misissuinerit, aammalu paasiniaanerit soqutigalugit qilanaarissavagut, nunatsinni aamma aaqqissuussinissani iluaqutissarsiffigisinnaanerit periarfissatut isigalugu.

ATASSUT-miit oqariartuutigissavarput, pingaartumik isorliunerusuni tamanna takussaammat, aammalu suliffissat, ilinniarfissat, ilinniareernermilu atorfinnissamat periarfissat sumiiffinni mikinerusuni periarfissaqanngingajannerat pissutaanerpaasutut ersittarmat. Taamaattumillu ilinniarfiit, aammalu sulilluni sungiusarfissanut periarfissat tassuunakkut ataqatigiissinnerisigut ajornartorsiut aamma annertuumik iliuuseqarfigineqarnissaanut.

Taamatut oqaaseqarluta ATASSUT-miit kaammattuut akueraarput.